

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Savlvs.

urn:nbn:de:gbv:45:1-18303

noxam nullo unquam vel sacrificio, vel libamine,
Eli posteritati remissam iri.

SENTENTIA.

Qui divinae voci non est assuetus, eam interdum esse putat hominis. Peccantes natos non punire, grave peccatum est. Parentum, quamvis bonorum, indulgentia perdit natos. Natos, qui vere & sapienter amat, castigat. Sed ne quid injuste immodice fiat.

SAVLVS. I Reg. 9.

ARGVMENTVM.

Saulus quærens afinas patris, it consultum Samuelem vatem, & ab eo discit, se futurum Regem.

Saulus, Puer, Puella, Samuel.

Enimvero satis jam diu conquisivimus afinas, neque invenimus: revertamur domum, puer, ne pater meus, omissis asellis, sit sollicitus de nobis. *P.* Non censeo redeundum esse re infecta. Ajunt esse divinum quendam & gravem virum in proximo oppido, qui quicquid dicat futurum, eveniat. Conveniamus eum, si forte indicet nobis id, cujus causa venimus. *S.* Sed quid offeremus homini: nam etiam pane exhaustæ sunt pærræ nostræ, nec habemus quod dono demus ei: & ire vacuos religio est. *P.* Tace: est mihi in præsentia quadrans sicli argentei, quem dabo ei, ut indicet nobis quam viam insistamus. (Olim inter Israelitas, qui ibant consultum Deum, dicebant se ire ad Videntem: nam qui hodie dicitur

tur Vates, olim vocabatur ^{a)} Videns.) S. Recte mones, eamus. Ingrediendum est hoc ascensu arduo. Sed video puellas, quæ exeunt aequatum, adeamus eas. Heus puellæ, an non hic est vates quidam? P. Est: & quidem incidetis in eum, si pergetis: properate modo. Nam hodie venit in oppidum, quia populus facturus est rem divinam in facello. Simul ac introieritis in oppidum, offendetis eum, antequam ascendat in facellum epulaturus. Populus enim non inibit epulas ante adventum ejus: quoniam ejus est consecrare sacrificium; postea epulabuntur invitati. Itaque adscendite: non est dubium, quin inventuri sitis eum. S. Habemus gratiam, ascendamus in oppidum. Sam. Video adolescentem huc venientem una cum puero. Nimirum hic est, quem heri prædixit mihi Deus venturum ex regione Benjamarum, ut eum unctione creem Imperatorem Hebræorum, ut eos vindicet ab injuria Palæstinorum. S. Amabo te, indica nobis domum Vatis. Sam. Ego sum ille: conscendite ante me hunc collem; hodie epulabimini mecum, deinde dimittam vos mane, & indicabo vobis quidquid cogitatis cum animis vestris. Quod attinet ad asinas perditas tertio abhinc die, tu ne esto anxius de iis, repertæ sunt. Sed quorsum de asellis? Ad te veniamus. Debes existimare te esse columnen totius nostræ nationis, omniumque salutem positam esse in te, tuaque domo pa-

terna.

a) Videntes vocabantur Vates, quia videbant, quæ non videbant alii.

terna. S. Quid ais? in me ne, qui genus refero ad Jeminem, ortus ex obscurissima familia Benjamitarum, quæ tribus est minima Israelitarum. Sam. Concedamus modo in hospitium: Deus providebit cætera.

SENTENTIA.

Deus opera sua inopinabilibus occasionibus ad exitum perducit.

SAMVEL. I Reg. 12.

ARGUMENTVM.

Samuel jam senex innocentiam suam, & Dei in Israelitas beneficia commemorat: eorumque peccatum reprehendit, qui Regem sibi depoposcerint: & impetrato divinitus tonitru, eos ad obedientiam cohortatus.

Samuel, Israelitæ.

En ego vobis in omnibus obsequutus, Regem creavi, deinceps jam vobis præfuturum. Nam me quidem jam senem esse, indicio est canicies. Mei liberi inter vos degunt, & ego vobis jam ab inante ætate præfui. ^{a)} Hic adsum, respondete mihi coram ejus uncto: si cujus bovem aut asinum sustuli: si cui injuriosus, aut violentus fui: si a quoquam præmium accepi, ut in ejus culpa conniverem, paratus sum vobis reddere. I. Neque injuriosus in nos, aut importunus fuisti, neque quic-

a) Innocentiam suam ideo commemorare videtur, ut ostendat, eos causam justam non habuisse, cur alium gubernatorem postularent.